

蒙化府志

卷之一 地理志

南澗地輿圖

沿革

疆域

形勢

山川

古蹟

邱墓

勝景

物產

風俗

災祥

蒙化府志

黃鳳鳴

光緒辛巳歲
仲春月重鐫

尊經閣

蒙化府志序

康熙辛未滇省通志告成

進呈

御覽凡蒙之山川土田人民風
俗之概亦既撫略紀之矣

若乃缺者補之簡者增之
益以古今事而聞其所未
聞則又非郡志不能詳也
按蒙自細奴邏僭據以來
虎視一方併吞五詔終唐

之世莫可誰何迨宋復為
段氏所據蠶食諸蠻驕悍
難制此宋藝祖當日所以
畫玉斧而外之也元雖置
州改路而華靖靡常明雖

編戶設流而制度未備由
是觀之蒙自唐宋以迄元
明求其流風善政厚澤深
仁可以登簡書而耀史冊
者蓋寥寥也明嘉靖間別

駕趙維垣創有蒙志歷今
百有餘年兵燹頻仍篇章
散軼而博聞淹雅之士又
未易數數覲采風者能無
文獻無徵之慨乎戊寅之

秋闈菴蔣君刺是邦慨然
任其事捐俸延儒設館編
輯大綱既舉細目復張前
此草昧未開如唐虞以前
無書可讀今則燦然明備

山則增秀水則增媚星野
災祥甲兵田賦貞臣節婦
名宦隱逸者流以迄物產
土風雕題椎髻之可愕可
異者無不分類而紀循序

而列蒙之真面目一旦自
蔣君而開是蒙之幸也然
而有不徒為蒙幸者日星
河嶽天地之所以貞久也
德業事功聖賢之所以貞

久也吾儒讀書數十年得

驤首

皇路而出身加人凡有裨於民

生

國計者無非分內之事殫慮

竭思以與斯世相周旋其
積既厚其流自光留聲名
於青史與天地聖賢同其
貞久俾學士大夫嘖嘖稱
人傑讀其書以想見其為

人則今日所以誌蒙者即
為將來誌蔣君張本蒙之
幸而又不徒為蒙之幸者
是余之願也夫

康熙三十七年歲次戊寅秋

九月朔旦

總督雲南貴州等處地方軍

務兼理糧餉兵部右侍郎

兼都察院右副都御史加

五級廣寧王繼文序

